

江蘇省教育會


會十年既况

江蘇省教育會成立  
十年紀念會之贈品


上海图书馆藏书



A541 212 0014 5390B



155390



江蘇省教育會會所正面圖



江蘇省教育會副會長王同愈




江蘇省教育會會長張謇










江蘇教育總會附設單級教授練習所學員攝影  
第一期





江蘇教育總會附設單級教授練習所學員攝影



各省教育總會聯合會攝影



# 江蘇省教育會十年概況

## 一 本會機關之蛻變

自前清光緒季年停罷科舉。設立學堂。各行省始稍稍注意教育。顧風氣未開。趨嚮不一。江蘇一省。幅員遼闊。江淮南北。學自爲風。於是二三深識之士。力謀進行。期歸統一。於光緒三十一年十一月集合同志。因交通便利。設江蘇學務總會於上海。以研究本省學務之得失。圖學界之進步爲主旨。投票選舉總協理及各職員。暫定章程。由農工商部參議王清穆等

呈明學部及本省總督巡撫報告成立。嗣准部文。學會關係全國教育。應由本部妥議章程。奏明通行各省。三十二年六月。學部奏定教育會章程頒發。遂於九月重行選舉。定名江蘇教育總會。以會長副會長等董率之。由部核准自行刊刻鉛記。又分設事務所於江寧蘇州二處。迨民國鼎新。本會繼續組織。並遵教育部所訂規程。改稱江蘇省教育會。修改會章。一審民國之前途。以定方針。二察本省之現狀。以求進步。爲本會之宗旨。分學校教育社會教育庶務調查

四部。爲幹事員之職務。併會董會於評議會。而名額亦隨宜損益之。期於各舉所事。不隘不濫而已。

## 二 附設法政講習所

自行省改辦學堂。教育行政。實握至要之職務。顧一時雖建設紛紛。而統系每未明瞭。本會以教育實內務行政之一部分。由是議先從政治教育入手。先是本會成立後。會員等於前清光緒三十二年曾設法政研究會於會中。公推日本早稻田法政卒業生雷奮爲正講員。并延知名之士爲名譽講員。至是益加

注意。下半年改爲法政講習所。仍延雷奮爲正講員。其餘在會員中公推數人分任。至三十三年。第一屆畢業幾及百人。其呈報有案者。計王樹聲等五十九人。餘或分數不及。均給修業證書。三十四年第二屆畢業。計祝廷瑞等七十九人。第三屆畢業計趙鴻書等九十三人。均呈明給咨赴東考察。藉便留學。餘或歸任鄉土義務。或籌設講習所。俾各盡其所長焉。

### 三 本會會所之落成

本會締構之初。先賃民房爲治事之所。嗣經集議籌



資建築。卽今之會所是也。坐落上海縣西門外二十五保十三圖靡字圩。中間南出者爲大門。門臨方斜路。東南對林蔭路。東出者爲側門。門外卽闢爲教育路。北展爲西林路。西界沈姓民居。凡西式屋三層。上爲會場。中爲藏書所。其四隅爲會長休憩室。駐辦員及佐理員寢室。其前爲廊。下則前五室。後三室。有前廊內廊。前虛其中一室。其東西爲客座。又東西爲駐辦員治事室。後之中爲僕役伺應所。其西爲會議室。東爲佐理員治事室。兩旁之上下凡梯四。北二隅爲

僕役寢室。外繚以短垣。東南隅爲司門室。西北隅爲爨所及司爨室。北連膳所。東北隅爲廐。占地一畝九分六釐。經始於前清光緒三十四年十月。落成於宣統元年三月。自購地以迄工竣。先後支銀一萬三千三百三十九兩有奇。會員袁希濤吳馨董視工作。沈恩孚爲之記焉。

#### 四 開全省學堂成績展覽會

世界之進步。關於才智競爭。而學校之造端。亦在技能發達。本會於前清宣統元年。遂有全省學堂成績

展覽會之舉。先期徵集物品。大江南北與會之校。凡二百四十有五。成績品凡五千餘件。陳列分甲乙丙丁四類。高等及專門學校爲甲類。中等各校爲乙類。小學爲丙類。女學爲丁類。六月初三日開會。初十日閉會。到會展覽者先後凡五千餘人。其成績之有特色者。分類表彰之。凡以誘起教育界之美感。而迫促其猛進。此本會發起之微意也。

##### 五 附設單級教授練習所

本省教育。既日漸進行。而普及之效。尙遙遙莫覩。本

會宗旨。每以彌缺憾爲先提。於是知小學之要。重在編制。鄉僻之地。單級尤宜。顧教員缺乏。供不敷求。爲近日之大病。於是有停辦法政講習所改設單級教授練習所之議。並議定先派辦理小學教授已有經驗之員。赴東考察。回國籌辦。於是籌備川資。選派龍門師範學校教員兼附屬小學校辦事員楊保恆、浦東中學教員並附屬小學主任教員俞旨一、通州師範學校畢業生周維城、又長元吳半日學堂教員胡寶書、自備資斧。同往考察。於前清宣統元年二月東

渡。五月回國。七月開辦單級教授練習所。由各屬勸學所教育會保送合格學員來所練習。至十一月。第一屆畢業。計管城等五十八人。分別給予證書。宣統二年。續辦第二屆。計吳漢章等四十七人。給證均如前例。嗣後各屬有設所仿辦者。有外省來學之員歸而遞相傳習者。而畢業諸生。或任本鄉土教員。或出膺他省之聘。皆能用其所學。不負本會提倡之苦心。而華路藍縷。本會亦自謂不虛所願云。

## 六 組織教育法令研究會

前清宣統二年。江蘇諮議局成立。本會即以全省教育費案請議。經議決規畫。又以本會章程規則送局。認爲本省之單行章程規則。顧本會對於教育行政。亦嘗時有討論。各抒意見。以備各省教育會共同之研究。是年大會後。遂有教育法令研究會之組織。推定會員陸爾奎、吳馨、黃炎培、沈恩孚、孟昭常、陶保晉、王立廷、楊保恆、濮祜、九人爲主任。擬訂規則。月集一次。或二次。先後報告出版者三冊。一研究勸學所教育會之權限。二研究各學堂獎勵章程。三研究簡易



識字學塾章程。又以部定小學章程未能盡善。另加研究。擬訂小學堂章程及小學堂章程施行細則一編。又擬訂初級師範學堂課程表一種。凡以爲教育前途計者。固不敢自限於一行省耳。

### 七 組織江蘇各屬勸學所教育會聯合會

勸學所總董教育會會長本有代表入本會之資格。惟歷屆大會。赴會者尠。而欲全省教育之進行。不能不集合討論。互謀趨一之方法。爰於前清宣統二年大會。議決發起通告各屬。遂定期九月二十四日在

南洋勸業會公議廳開成立會。議決規畫本省地方上推廣教育之辦法等案。均咨呈督撫通飭各屬轉行城鎮鄉自治公所查照辦理。

#### 八 設常任調查員

本省諮議局暨各屬勸學所教育會聯合會。對於地方學務既各有議決案。而地方之能否實行。又各地方辦理學務。有未合教育原理。或組織法與前條所開議決案不合者。非加以實地調查。不能得其真相。本會設常任調查之議。發生於前清宣統元年八月

職員會提議。嗣以經費未定。不克履行。至是則揆度情勢。不便再緩。二年大會後。遂推定會員黃炎培專任其事。從通州蘇州而始。次年復歷江北各處。計刊有調查報告二次。民國元年由會員袁希洛代理。刊有調查報告一次。本省之學校狀況。大略具於此矣。

### 九 開各省教育總會聯合會

本會專章第二條之六。聯絡各省教育總會。以期共同進化。合於國民教育之宗旨。數年來所從事於聯絡者。僅函簡往復而已。至前清宣統二年大會。乃議

決發起各省教育總會聯合會。由職員會議決會期。先期通告各省。公推代表。於三年四月第一次開會於上海本會會所。計與會者十一省代表。至半月而會畢。議決各案。其重要者。如請定軍國民教育案、統一國語方法案、改良初級師範教育方法案、組織各種學堂職員聯合會案、實行義務教育之預備方法案。或呈請學部施行。或通告各省自謀進行。皆關繫全國教育之要端。未幾。學部即奏設中央教育會。於六月開會。以本會副會長張謇爲會長。本會會長唐

文治因事未往。副會長蔣炳章暨會員黃炎培沈恩孚賈豐臻楊保恆陸瑞清袁希洛等皆入京與會。其所議決。如義務教育等案。皆與聯合會各案相發明。則此會實教育促進之一大關鍵爾。

#### 十 設圖書審查會

國體既改共和。學校教科用圖書。必求適合於教育之方針。與現時之狀況。臨時省議會議決圖書審查會經費。經都督訂定江蘇暫行圖書審查會規則十四條。委託本會按照組織。迭次開會。推定楊保恆爲

審查長。分教科目十三。每科目設審查員三人。又分開幕徵集審查報告探定爲五期。就徵到圖書一百八十餘種。逐加審訂。或討論其大端。或斟酌其全體。宗旨務取純正。推究不厭精詳。自民國元年八月開始。至二年二月大會探定。計圖書五十五種。呈由民政長先行公布。作爲江蘇暫行課本。仍咨送教育部核定。是時教育部亦已開始審定。陸續發表。並訂定規程。頒行全國。由是各省皆踵行之。而本會既受官廳委託。鄭重將事。遂不敢以越俎自諉也。



## 十一 發刊教育雜誌

有社會而後有團體。有團體而後有目的。教育會者。以教育統一爲目的者也。教育何以統一。必藉人才。人才何以肇興。端資研究。然則得一新經驗。闡一新學理。筆之於書。供諸衆覽。雖未必盡教育之真詮。儻亦社會所樂許歟。本會發行月報之議。發之已久。他務方迫。逡巡未遑。逮民國二年。始決定發刊雜誌一種。月出一冊。以本會爲研究機關。卽名之曰教育研究。延會員王朝陽爲編輯主任。其宗旨卽在徵求教

育界之新經驗新學理。按期發表。與邦人士共同探討。以鼓舞全國研究之精神。且務求實際。不尙空談。其涉於教育行政與學說之無關研究者。概從省略。出版以來。已及一載。流傳學界。尙不爲大雅所擯。又本會於有關教育之新譯新著。輒付之鉛槧。代爲流通。比年以來。如楊保恆周維城同編輯之單級教授法。曹棟譯之實用學校園。徐傅霖譯之二分間體操。楊保恆輯譯之日本模範小學校要鑑。楊保恆黃炎培同輯譯之實用主義小學教育法等。篇帙非一。茲

亦類誌其目焉。

## 十二 籌備附設圖書館

博觀古今。攸賴圖籍。四庫七閣。陳迹尙已。自環海棣通。科學日顯。非有蒼萃巨帙。供人研摩。曷足以沾溉藝林。灌輸知識。東西各國圖書館。制度日備。設置日多。每視爲校外之教育機關。本會心焉慕之。前數年卽略積儲金。謀營斯舉。民國三年。復議決先就會中附設。徐圖擴充。比已分布簡章。廣求羣籍。以購置、捐集、寄存、借鈔、四門爲徵書之方法。以保存閱覽二種。

爲藏書之用途。一俟組織稍完。即可定期開幕。所冀  
宙合同志。惠賜鴻編。俾壯書城。藉資津逮。其爲佩幸。  
永矢弗諼。



# 江蘇省教育會職員姓名錄

中華民國三年

正會長

張 謇季直

副會長

王同愈勝之

幹事員

學校教育部

賈豐臻季英

沈 頤 梁山

趙銓年調卿

楊錦森心一

社會教育部

陸 基雨菴

王引才引才

吳家煦和士

伍 達博純(已故)

調查部

黃炎培韞之

莊 俞百俞

仇 垞亮卿

趙鉦鐸振甫

江蘇省教育會職員姓名錄

江蘇省教育會職員姓名錄

庶務部

書記 沈恩孚 信卿 蔣炳章 季和 (駐會)

會計 吳本善 訥士 夏曰琰 琅雲

評議員

江寧 陸裕棹 森雲 蒲錫康 壽民 句容 葛寶璋 子玉 張桂馨 一山

溧水 張培 颺階 吳祖森 慕肅 高淳 吳壽寬 敬敷 劉芬 蘭階

江浦 夏斌 揖顏 六合 張嘉行 願言 錢樹模 時生

丹徒 潘錫康 晉侯 李正學 崇甫 丹陽 東宗元 冠卿 姜鴻冕 漢臺

金壇 于鳳藻 竹坡 謝家驢 用卿 溧陽 王撰曾 惠堂 沈宗郁 仲韜

揚中 上海 李宗艱 頌唐 賈豐芸 粟香

松江 張景良 師石 史家修 量才 南匯 陸以鈞 秉淵 朱祥紱 子顯

青浦 錢學乾 仰喬 宋 廖廷珩 奉賢



金山	陸家驥逸如	沈亮棨	載儀
太倉	洪錫範伯言	李聯珪	頌韓
寶山	錢淦印霞	錢衡章	禮南
海門	常熟	蔣元慶	志範
常熟	吳江	孫延庚	經笙
無錫	蔡文森	松如	裴廷梁
江陰	南通	李元蘅	逸航
泰興	陳國霖	兩人	朱寶琛
淮安	顧公毅	宜孫	
漣水	川沙	陸家驥	逸如
	嘉定	葛文珪	玉峯
	崇明	徐應田	伯廣
	吳縣	陶惟坻	小泚
	崑山	劉植	古愚
	武進	周徵	七梧
	宜興	劉魯瓚	藕舫
	靖江	儲丙	鵠星遠
	如皋	吳涑	溫叟
	淮陰	王聿望	尉亭
	泗陽	陳伯盟	如宗
	阜寧	顧振黃	錫玖
		陸燦	旸賓谷
		章慰	高伯寅
		楊同穎	實丞
		潘景洛	原魯
		陳亦廬	襟山
		徐玉瑾	鑑卿
		王登雲	軼階
		陶懋立	卓如

江蘇省教育會職員姓名錄

四

鹽城 李繩武 守先 陶鴻慶 麗石

江都 方爾咸 澤山 湯寅丞 公亮

儀徵 鮑貴藻 芹士

東臺

興化 劉麟祥 仲書 易 鈞 鎔 卿

泰縣 周紘順 塵佛 丁 牧 銳 仙

高郵 高 哲 雲 軒 高樹敏 蒲生

寶應 王鼎彝 楷 珊 刁宗周 曦 扶

銅山 祁世倬 漢雲 武從心 矩臣

豐縣

沛縣

蕭縣

碭山 王立廷 鴻弼

邳縣

宿遷 盧瀚蔭 蘊章 陸承卓 慕顏

睢寧 袁邦幹 冠羣 姚鼎元 銘三

東海 葛 磐 仲 邁 馬秉澄 印渠

灌雲

沭陽 吳紹矩 鐵秋 施應生 心權

贛榆

上海图书馆藏书



A541 212 0014 5390B

